

寶雞縣志卷之四

渠堰 關梁附

成國渠

漢書地理志成國渠首受渭水東北至上林入蒙籠渠 溝洫志關中靈輒成國漳渠引諸川穿渠灌田各萬餘頃 如淳注成國渠名在陳倉 晉書宣紀魏明帝青龍元年穿成國渠溉田數千頃國以充實焉 食貨志青龍初開成國渠自陳倉至於槐里 宋敏求長安志水經注曰成國故渠故魏尚書左僕射衛臻征蜀所開也上承汧水於陳倉東東過郿及武功槐里縣按唐李石記成國渠見漢書地理志魏僕射衛臻征蜀復開

寶雞縣志

卷四

陝西印刷局印

以灌田 古渠圖成國渠在縣東又東流入郿縣界又自郿縣至扶風入武功界 省志成國渠經流甚遠就郿縣境言之當是渭北之通濟渠扶風並無水利縣東之龍渠寺相傳為成國渠故道然則其涸已久在縣境者不可尋其遺跡矣

昇原渠

元和郡縣志成亨二年於陳倉東南引渭水入昇原渠通船至京故城注曰卽故長安城漢惠帝所築城在今故大興城之西北苑中 新唐書地理志寶雞縣注東有渠 疑卽成國渠 引渭水入昇原渠通長安故城咸通三年開 虢縣注城西北有渠引汧水至咸陽垂拱初運岐隴木於京城 長安志昇原渠其原出

泝水自鳳翔虢縣城西北原流至武亭數里西南至六門堰東成國渠合流西南出興平縣界以其昇原而流故名之今涸疑今利民渠卽其故道但入渭而不昇原耳

### 通濟渠

省志明成化時參政謝綬行部至郿縣引渭水灌田自寶雞開渠在縣東閻家營作堰東流入岐山界今跡久湮縣屬亦無閻家營地名

### 惠民渠

在治東四十里西渠里龍尾頭卹乾隆六年邑令喬光烈倡開自有記其渠引泝水上崖緣崖鑿石穿溝過水下灌李卹旱地

## 寶雞縣志

卷四

一一一 陝西印刷局印

數百頃然渠高水下拂其本性旋就堙廢

以上皆廢渠

今按現在蒙利之渠緣渭南北自西而東凡三十有五

### 渭北之渠

#### 玉澗渠

在縣西二里自焦家廟起引玉澗水入渠灌田五頃餘至紙房頭入渭

#### 娑羅泉渠

在縣東二里引娑羅泉水入渠灌田一百餘畝至店子上入金陵河

金陵河渠

在縣東三里自金陵店引金陵河入渠灌田二十三頃餘至上馬營入渭乾隆四十九年知縣鄧夢琴加濬立碣

太白廟渠

在縣東十里張家邨之左水出太白廟後分二渠一渠東灌張家邨地一渠西灌劉家崖地皆南入渭

韓家崖渠

在縣東十五里引原下泉水入渠灌田六十餘畝南入渭

劉家崖渠

在縣東十五里引原下泉水入渠灌田一百畝合韓家崖水入

寶雞縣志

卷四

三二 陝西印刷局印

渭

大庄邨渠

在縣東十五里引原下泉水入渠灌田一百五十畝流入渭

三疊泉渠

在縣東三十里底店鎮西舊有渠爲居民佔種稻地水壅不行漫溢官路乾隆四十九年知縣鄧夢琴清地復渠重加開濬引三疊泉水入渠灌田三百餘畝至曠野溝入渭有碣

蕭邨泉渠

在縣東北三十里出西平原下灌蕭邨一帶地東流入汧

利民渠

在縣東北五十里石鼻寨開自前明宏治年間其興廢具見碑記

### 本朝果親王詩

太守開渠民利賴停車使者爲題詩好將南畝勤耕作更勉兒孫孝弟規

### 邑令鄧夢琴重修利民渠記

關中自秦用水工鄭國鑿涇水自中山西邸瓠口爲渠並北山東注洛三百餘里漑澤鹵之地四百餘頃皆畝一鍾秦以富饒卽所謂龍洞渠也漢唐以來六輔三白諸渠興廢迭更我朝列聖相承軫念民依興復古制雍正五年岳查兩制府遵奉

### 寶雞縣志

卷四

四一陝西印刷局印

諭旨疏濬鄭白龍洞各渠專員經理於是水利之沃甲於關東河北諸直省乾隆四十九年四月中丞畢公援歲修渠道入

奏併相度復舊疏新各機宜檄下至縣按縣在古分爲陳倉虢縣二邑陳倉故有成國渠其瀆上承泃水過郿武功興平至六門堰合昇原渠入渭昇原渠出虢縣西北亦承流泃水唐垂拱初運岐隴木入京城自宋敏求志長安時其涸已久至東渠之合渭通舟者俱無故道可尋其可廣收爲灌溉之效者惟縣東之利民渠耳考渠係疏自前明錢沈二郡伯省郡志已軼其名渠記惟志錢爲宏治年間人入

本朝來邑令錢首濬於雍正十三年至乾隆十五年邑令周續修

之廿有九年邑令許復修之今又越二十年矣余奉檄後履勘至止居民具言渠口久湮不惟仰灌無獲并井汲無資惻然念之署丞王君哦松多暇卽令鳩工集事余時爲之相高下之宜指陳獎勞王君戴星宿郵居民亦鑿鼓弗勝經始於九月中浣竣工於十月之杪因其故道濬源達委自鳳翔縣之高嘴頭引泝水入渠東至遵儀里之楊家溝張家崖又東至善慶里之黃家崖又東至述陳崖賀家崖閻孟崖魏家崖王家堡又東至武安里之馮家嘴高陳崖又東至底磗里之劉家小堡劉李崖范家崖關家崖又東至涼樓里之惠家灣高家峻灣溝堡順流入渭俱疏濬通暢寬八尺深六尺兩岸培堰若隄防經行四十有

七里舊灌田三十頃七十畝有奇增灌田四十九頃有奇其餘金陵河三疊泉溫泉各渠載在縣冊者均各以次興修灌田各數十頃至十頃不等其事之顛末可記者如此夫審端徑術以教道民有司之事也用民之力因民之利而又得人以襄厥事受成者未敢尸厥功也會大府考成甚殷卽次第以聞蒙檄下其事於諸州縣併令續濬泉渠之可利田疇者關中八水迴環百泉噴湧雍州所稱厥田惟上上也當事仰承

樂利之休勤思民事百執事繼此講求千渠百堰灌漑盈疇於區區一渠何有然藉此以爲之嚆矢則民力普存同寅協恭之悃摯爲不可沒也其善後經久之謀俱仍前畫同事者以意參酌

之另鐫於別石王君名廷璧直隸滄州監生由

四庫館修書議敘州同署寶雞縣丞前邑令錢名界浙江海鹽歲貢以孝廉方正任周名天生江蘇吳縣人由監生任許名起鳳浙江昌化人由進士任鑒於錢沈二郡伯之軼其名連類書之俾來者有所考焉

### 太公廟渠

在縣東北六十里自太公廟起引原下泉入渠灌田八十餘畝至曠野溝入渭

### 鴿子堡水渠

在縣東北六十里引原下泉水作渠二道灌田六百五十餘畝

## 寶雞縣志

卷四

五 陝西印刷局印

### 合流入渭

### 安坡泉渠

在虢縣東小蓬壺旁兩泉合流歷閣子底至皮李堡灌溉甚溥南流入渭

### 西高泉渠

出磨性山下兩泉合流歷鮮家臺張家堡灌田轉磨至楊家南溝入渭

### 東高泉渠

治東七十里水出周原下兩支分流一支東向灌溉洪原等邨至寺崖頭東流入沈公渠一支西歷毛張堡至大王邨灌田轉

磨南入渭

按新唐書地理志號縣東北有高泉渠如意元年開引水入縣城卽此渠也舊册未悉原委有毛家坡引坡根泉水一渠不知毛張堡背倚周原而又聲轉之訛當釐正以備考

沈公渠

在縣東陽平鎮西北明崇正間郡守沈公開濬白寺崖頭等邨衆泉合流成渠東至陽平菊邨由岐郿入渭灌溉五十餘里爲利甚溥沈公明縉湖南武陵人府志無傳

渭南之渠

大寧河堰

寶雞縣志

卷四

六

陝西印刷局印

在縣西南二十里引大寧水灌田一百六十畝

高家溝堰

在縣西南十五里引高家溝水灌田七十畝

塔河堰

在縣西南十里引塔河水灌田一百二十畝

清澗河渠

在縣南二里自任家灣起引清澗河入渠灌田五十頃餘畝至

石家營入渭今按城南姜水堰分東西四壩灌田俱引姜水清卽

河西自龐家邨東至瓦峪溝五里許爲利甚溥卽此渠也

瓦峪河堰

縣南五里引瓦峪河水灌田百餘畝

石壩河堰

縣南六里引石壩峪水灌田百餘畝

龍山河堰

縣南十里引龍山河水灌田三百畝

涼泉堰

縣東南二十里引涼泉水灌田五十畝

高家崖渠

在縣東南三十里自高家崖起引清水河入渠灌田二百餘畝

至賀家嘴入渭

山門口渠

寶雞縣志

卷四

七 陝西印刷局印

在縣東南三十里自山門口起引清水河入渠灌田三百餘畝

至孤塚入渭

溫泉渠

在縣東南四十里自楊家山起引溫泉水入渠灌田四百餘畝

至淳沱堡入渭

郭家邨渠

在縣東南四十五里自郭家邨起引溫泉水入渠灌田三百餘

畝至戚家崖入渭

以上四渠原有舊跡堙塞不流泉水漫溢地上行人躑躅乾隆



四十九年知縣鄧夢琴親履疏濬各分爲東西兩渠水有所歸其餘古渠十道亦皆以時濬修另疏小渠六道一律通深灌汲兩便民忘其勞

安康董詔濬渠謠

中牟徵三異西蜀歌五袴何如賜豐年民孰與不足豐年何由賜天地人交孚感天膏不屯用地渠能雨有客來陳倉行野當秋暮阡陌汧渭間黍稻青黃錯栖畝驚雲屯登場羨京聚祝不違豚蹄秉多遺婦孺問此畝一鍾得非力倍作扶杖有老農歡然道厥故地邊古雍州川原雜險阻土惟黃壤域澤近茲蒲藪

水經注汧源即汧蒲藪

兩山必有川萬井可挹注成國溯漢濬昇原沿唐

寶雞縣志

卷四

八一陝西印書局印

疏豈無古溝澮歲久各湮淤力田年幸逢作苦酬亦裕偶值雨陽愆幾同庚癸呼賴有慈惠師下車經營遠博詢南北源細審高下度茲實利民渠派向汧流泝渴澤恥罄餅石田難分厚力爲議遠邇勞不避沮洳陟巘躡屐升降阿乘橈步成局已在胸按節曲相諭智以不鑿行工如因物付共孚惠我德誰懷厲已懼亞旅先辰集畚揭旁午具決渠雲是門就下壑爭赴猶恐水能齧勸於岸栽樹數渠渭左右盡瀾水來去告客今歲收實異昔年數請說春夏交麥禾畦睦布神農方持功靈雨勞呼籲精專感易孚時行霖輒澍兼復水地圖久爲灑陸豫遂均澮旋瀉根浸葉不菸勢速抽筍風潤滴垂穎露眞見苗如握誰信長難

助占孚衆維魚困蘇轍游鮒非公使有鳩豈免營如鶩共歌化  
日長豫卜豐年屢下以盈百室上之供二賦菽粟無弗與社蜡  
行可釀今年大歡樂勸客且堅住莫謂老耕鑿不解達情悻願  
效輿人誦豈慚山農固會當春酒熟看致稱觥語歸來宴吾私  
寧使悵弗顧雖殊籩豆儻且喜兄弟飫佇俟東作興復營南畝  
務

### 馬峪河渠

在縣東南四十里引馬峪河水入渠灌田八頃餘至鳳皇頭入  
渭

### 清溪堰

## 寶雞縣志

卷四

九一 陝西印書局印

在縣東南四十五里小庵堡下引清溪泉水灌田三十畝

### 磻溪河渠

在縣東南五十里自楊家崖起引磻溪河水入渠灌田六頃二  
十餘畝至楊家店入渭

### 伐魚河堰

在縣東南六十里引伐魚河水灌田四十畝

### 伐魚河東渠

在縣東南七十里自伐魚堡起引伐魚河水入渠灌田八頃五  
十餘畝至胥家邨入渭

### 龍泉堰

在縣東南九十里翠麓亭下引龍泉水灌田三十畝  
八廟邨渠

在縣東南九十里引仙槎溝水入渠灌田六十畝

關梁

益門鎮

賈志在縣南十五里元末李思齊築以備蜀 省志洪武三年  
蜀將王友仁攻興元守將金興旺請援時徐達在西安卽帥師  
還屯益門鎮 白鸞修鎮志陝西旣入關平衍千餘里西南抵  
寶雞復岸然山合惟一隘口始入是爲益門鎮秦山嵯峨清江  
混漾路惟鳥道出鎮而南雲棧百折達荆梁通滇益名鎮以益  
義取諸此明邑令許莊修廢雉題曰益門雄鎮

寶雞縣志

卷四

十一 陝西印刷局印

果親王詩

峭仞奔霆會益門亂峰中裊一絲行更登大散關頭望無數雲  
山此送迎

新城王士正詩

天險當秦鳳提封界雍梁棧雲高不落隴樹曉還蒼古堠催征  
騎秋風弔戰場山南明日路漸入武都羌

二里關

賈志在縣西南四十里古置關遺址尙存 元史鄭鼎傳中統  
初鼎從伐蜀攻二里散關 明史地理志寶雞西南有二里散  
關 舊志據高嶺上長亘二里因名乃棧道必由之路今有分

防把總駐此

### 大散關

後漢書順陽侯嘉傳建武二年與延岑連戰岑引北入散關至陳倉追擊破之 章懷太子注散關故城在今陳倉縣南十里有散谷水因取名焉 唐書地理志寶雞西南有大散關 杜氏通輿散關舊關故城在寶雞南 九域志寶雞縣有武城車舍大散三大鎮 宋史紹興十二年棄和尚原方山原以大散關為界 中輿四朝志大散關屬梁泉縣 梁泉即故道縣魏太和中改元至元省入 鳳州在寶雞縣南為秦蜀往來要路自關距和尚原纔咫尺兩山關控阨絕出可以攻入可以守實表裏之形勢也 明一統志

### 寶雞縣志

卷四

十一

陝西印刷局印

在縣南五十二里大散嶺上通褒斜 舊志大散關亦曰散關為秦蜀襟喉南山自藍田而西至此方盡又西則隴首特起汧渭縈流關當山川之會扼南北之交北不得無以啓梁益南不得無以圖關中 今按在縣西五十三里姜水盡處突然一嶺面臨神岔橫扼棧道由青石崖北入直抵雲蓋寺約二十里上極廣闊足容人馬

王維自大散以往深林密竹磴道盤曲四五十里至黃牛嶺見黃花川詩

危徑幾萬轉數里且三休迴環見徒侶隱映隔林邱颯颯松上雨潺潺石中流靜言深溪裏長嘯高山頭望見南山陽白日靄

悠悠青皋麗已淨綠樹鬱如浮曾是厭蒙密曠然消人憂

李商隱赴東蜀辟至散關遇雪詩

劍外從軍遠無家與寄衣散關三尺雪回夢舊鴛機

明胡汝霖棧道感懷詩

長劍嗟何倚焦桐悵獨攜十年錦橋柱萬里浣花溪浪跡違鵠  
鵲霜天入寶雞益門紆碧澗秦嶺折丹梯仄徑堅冰合危橋怪  
石擠雲林深不測魍魎自應迷行李誰東道空囊挾病奚庸踈  
虛努力薄劣足塗泥失路須存馬抨弓忍射麋流離分老稚凍  
餓輟耕犁死結鶉衣短生餘垢面墾有心摧舊血無淚續新啼  
日氣千山暗風聲萬壑淒側身思漢輔何計拯周黎目極江湖

寶雞縣志

卷四

十一 陝西印書局印

關心懸雨露低職司俱惓惓容好暇提提野戍曾烽燧郵亭繫  
馬啼倩人給薪水徒步劇攀躋縮綬愁多緒彈冠汗浹題那堪  
筋力盡且畏簡書稽流水能相送停雲似欲俟高歌生感激佇  
立重酸悽安得陽春布堪投谷口棲比鄰安服食出入混東西  
新城王士正大散關詩

石壁橫千仞盤盤上翠微行人縈閣轉鸚鵡下山飛戰壘空埋  
鏃巖關幾合圍雲車與風馬鬃鬣夜深歸

金牙關

明一統志在縣東南一百二十里今按在縣東南一百五十里  
虢川要地蜀漢捷徑以勢如張牙故名

模壁寨

在縣西南五十里通鑑南漢乾祐初蜀將安思謙救鳳翔遣別將趨模壁

潘氏堡

唐書楊晟傳光啓二年晟守大散關朱玫攻關晟戰於潘氏堡遂大敗 通鑑胡注在寶雞東北未詳里數

神岔

在縣西南三十五里有上下神岔之名 宋史吳玠傳紹興元年金人攻和尚原玠設伏於神岔敗之

龍門

金史完顏綱傳蒲察貞分遣朮虎合沓等出黃兒谷取和尚原女奚列南家等出大寧谷取西山寨自以兵由中路取龍門按馬峪河谷中有一石門深數十步止容一人一騎其旁山蜿蜒而下形狀如龍故俗名曰龍門

龐李溝橋

在縣西五里

碓石橋

在縣西十里有前明邑人賈薰重修碑

磚固橋

在縣西二十里

凍河橋

在縣西南七十里煎茶坪南

江龍溝橋

在縣西南八十里旁有石窟深不可測每雷雨則魚出

張龍廟溝橋

在縣西南八十五里石窰鋪東

大欄橋

在縣西南一百里黃牛堡東

石家橋

在縣北二十里

寶雞縣志

卷四

十四

陝西印刷局印

論曰唐地理志注寶雞縣東有渠引渭水入昇原渠虢城西  
北有渠引泝水至咸陽元和郡縣志成亨二年於陳倉縣東  
南開渠引渭入昇原渠均未注其何名而元和志又云成國  
渠在郿縣東北受渭水以溉田亦未著其渠之在陳倉漢志  
成國渠首受渭長安志引水經注成國渠魏衛臻征蜀所開  
也上承泝水於陳倉或疑漢成國渠只引渭水魏時重開乃  
兼引泝水邑舊志乃謂昇原渠有二一引泝一引渭均通京  
城於是其源既昧其流益岐矣不知縣東爲泝渭之會泝水  
自今之魏家崖入渭成國渠首受渭水實兼承泝水長安志  
之援據鄙注原不悖於漢志元和志昧成國渠之上流僅以

其經於郿縣者當之不知其所云陳倉東南之渠卽地理志所云寶雞縣東之渠卽郿縣東北九里之成國渠也惟長安志載昇原渠至六門堰東成國渠合流則與唐志之引渭水入昇原渠者合而與元和志陳倉東南之渠引渭水入昇原渠者亦合其所謂東南之渠與地理志縣東之渠卽漢志之成國渠也蓋成國渠自漢至唐通塞不一咸亨中所開雖或仍其故道未必如前此灌溉之溥故其名不著元和志知成國渠在郿東北而不知陳倉東南之渠卽其上流地理志注只云引渭水入昇原渠未著其經流之遠近故疑以傳疑非長安志濬其源導其委則羣疑莫釋矣顧禹貢之任土作貢

也必先表其山川職方氏掌天下之圖以掌天下之地要之以周知其利害蓋川以穿渠溉田山以設關守險俱與井牧之意相通也邑之水利最溥者惟成國昇原二渠其阻隘最險者厥惟大散關宋金相持之際紛紛戰壘矣舊棧道在邑之西南由大散關和尙原以達於黃牛堡元史天澤朝憲宗於散關是憲宗必由茲以入蜀今棧道在邑之南歷益門鎮二里關至煎茶坪以達於黃牛堡李思齊進兵益門鎮以討四川則不復由散關矣今舊棧既廢人跡罕通而明時有二里散關之名幾幾以二里關爲大散關矣舊志雖別二里散關爲一亦不能披山通道尋其故址夫水則易遷山則不易



乃自元至今上下數百年間而險易難考如此况水道之通塞無常廢興視乎其人者哉

寶雞縣志

卷四

十六

陝西印刷局印

